



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Estrordinária Konsellu Ministrus nian iha loron 28 fulan-fevereiru tinan 2020

Konsellu Ministrus hala'o sorumutuk iha Palásiu Governu, iha Dili, no analiza ona projetu kona-ba Dekretu Governu nian, ne'ebé Ministra Edukasaun, Juventude no Desportu, Dulce de Jesus Soares, mak apresenta, ne'ebé ninia objetivu mak atu estabelese suplementu remuneratóriu ida ba ezersísiu temporáriu kargu direasaun no xefia, atu atribui ba dosente sira ne'ebé hala'o ona funsaun iha estabesimentu ensinu sekundáriu tékniku-vokasionál públiku sira. Dekretu ne'e hetan apresiasaun pozitiva husi membru Governu sira ne'ebé marka prezensa iha sorumutuk ne'e no sei analiza filafali iha sorumutuk Konsellu Ministrus nian tuirmai, hafoin hetan paresér husi Ministériu Finansas no husi Komisaun Funsau Públika.

Konsellu Ministrus aprova ona proposta deliberasaun ne'ebé apresenta husi Ministru Obras Públikas, Salvador Soares dos Reis, kona-ba aprovasaun ba prosedimentu aprovizionamentu nian ba akizisaun kombustivel ba Sentrá ElétriKa Hera - Lote 1. Deliberasaun ne'e ninia objetivu mak atu garante forneseimentu kombustivel ba funsionamentu tomak Sentrá ElétriKa Hera nian, ne'ebé prodús enerjia elétriKa ne'ebé distribui ba territóriu nasional tomak, ho exesaun ba Rejiaun Administrativa Espesial Oekusi-Ambenu (RAEOA) no Ataúru. Nune'e, Governu deside aprova intensaun atu adjudika kontratu ne'e ba empreza MATO Unipessoal Lda. Timor-Leste liuhusi konsórsiu ho Nikmat Mujur Sdn, Malázia, tuir proposta ne'ebé maihusi relatóriu tékniku sira Komisaun Nasionál Aprovizionamentu nian, fó instrusaun ba Komisaun ne'e atu, bazeia ba ninia kompeténsia



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

sira, realiza diligéncia hirak ne'ebé presiza atu notifika konkorrente sira no sujeita selebrasaun kontratu ba vistu préviu husi Kámara Kontas, tuir Lei. **REMATA**



Palácio do Governo,
Avenida Presidente Nicolau Lobato,
Dili, Timor-Leste